

# QVAESTIO MEDICA.

CARDINALITIIS DISPUTATIONIBVS MANE AGITANDA IN SCHOLIS  
MEDICORVM DIE IOVIS VI. APRILIS M. MICHAELE TOVTAIN DOCTORE MEDICO MODERATORE.

*An Hydrops ὡς ἀπὸ τῆς φύσεως sanabilis?*



RISIS optima, quæ perfectè morbum solvit, hæc signis coctionis prænuntiata die impari perficitur. Criseas, criticorumque dierum causa non numeris Pythagoricis, non Arithmeticis rationibus; non melancholico humori, sed potius benevolis astrorum aspectibus; maximè verò naturæ accepta ferenda est. Diebus imparibus natura morbum victrix bonis ægrotantium rebus adoritur, paribus verò cathartico causa morbifica profligatur excluditurque.



Effecta crisis sanitatem præsentem, imperfecta ancipitem adfert. Omnis morbus excretionem vel abscessu judicatur. Acuti & calidi morbi per excretionem: frigidi & diurni per abscessum solvuntur. Excretionem materiæ morbificæ tenuitas, abscessum verò crassities molitur. An omnis abscessus naturæ imbecillitate procreatus periculosus? Abscessus qui fit ὡς ἡ κηλὶς, καὶ τοῦ πυώδους, ἀποστάντος ἐκ τοῦ αἵματος, in partem capacem, κατ' ἔξιν, cocto morbo, salutaris ac sanabilis. Abscessus paucitate inutilis, magnitudine intolerabilis.



YDROPS unus criticus, alter Symptomaticus. Ille κατὰ μεταβολὴν fit & salutaris. Triplex Hydrops Ascites, Tympanites, & Leucophlegmatias. Hic feri in uniuerso corpore, ille flatulenti spiritus tum inter peritonæum & intestina, tum in sinuosis intestinorum amfraetibus; iste aqvosi humoris in abdomine collectione fit. An omnis hydrops imbecillioris caloris soboles? An verò ardoris fervidioris partus? An Hydrops morbus vel Symptoma? An labefactata vis αἵματος πύκνυντι hydropem omnem facit?



Hydrops omnis materiæ Hydropificæ vacuatione curatur. Vacuatur materia naturæ vel artis ministerio. Hinc Leucophlegmatia laboranti Superveniens ἰσχυρὴ διάρρηξις λυεὶ πλὴν νόσον artificiosa vacuatio fit repentina paracentesi, pyrotico, enematis, catharticis, diureticis, hydragogis, diaphoreticis, hidroticis, chalcisticis. An diata necessaria quæ humectet? An potus abstinentia mortiferum? An meri, vini quæ copiosi potus mortiferum? An biscocti usus mortiferum? Lac, iuscula carnis vitulinæ, vervecinæ, gallinacæ, avium montanarum, cancerorum fluviatilium salutifera. Magicæ artes hic irritæ, sed phantasma conceptum magicè illudendum.



YDROPS febribus acutis superveniens, malum. Quartanis verò febribus succedens melius. uterque febrium declinationem portendit. Hydropicis si aqua è venis in ventrem confluerit, solvitur morbus. ὅταν μὲν ὁ υἰότης ἀγρῶν febrilis materia ab universo corpore criticè in abdomen detrusa, in vasis mesaraicis obstructione aut excreticis imbecillitate retenta tumorem hydropicum aspectabilem parit, qui abscessus (non phlebotomia hæc perniciofa) sed super veniente diarrhœa, vel epoto blando pharmaco ac admoto balneo, per dejectiones, aut diureticis per urinas sanatur.

*Ergo Hydrops ὡς ἀπὸ τῆς φύσεως sanabilis.*



Asserebat lutetiæ PETRVS ROBYNET Yssodunæus, Anno R. S. H. M. DC. XVII.